


佐
永
四
丁

利根川治水記功碑誌

明治三十一年夏
月

藤井



佐
孫
四
七
舊
居
別
方



工事有功主要者

前内務技監

工學博士 沖野 忠雄

前内務省東京土木出張所長

工學博士 日下部辨一郎


内務省東京土木出張所長

工學博士 中川 吉造



前内務省東京土木出張所長

工學博士 近藤仙太郎





工學博士

中川

吉

造

前内務省東京土木出張所長
工學博士 中原貞三郎




湖城一臺寫



石出ノ瀬(安政二年冬版)

利根川圖志





利根川治水記功碑

內閣總理大臣兼內務大臣

從三位勳一等 若槻禮次郎題額

海內河川之大者、世必先屈指于利根川、而治水之難、與土工之大、亦推利根爲首、是以功之竣、亦晚矣、所謂大器晚成者、是之謂歟、夫利根之所流、在關東平野廣袤百里之間、濛洄紓餘、郊村水鄉被其澤、土地豐、民口稠、以天府寶庫見推、川亦

以坂東太郎見稱。川也發源乎上毛大水上山。集赤谷、薄根、片品諸水併吾妻烏二川。抵栗橋渡良瀨川合流焉。權現堂川分水焉。抵關宿更有逆川之分派。所分兩支川。會成江戶川。南流十五里。注東京灣。幹川則東流併鬼怒、小貝二川。納印旛沼、霞浦、北浦之瀦水。抵銚子。注太平洋。其流域互于上野、下野、常陸、武藏、下總五國。其面積一千二十方里。流路一千百二十里。航路亦算二百二十里。其所灌漑實及于十二萬町步。以分流江戶川。水路通于帝都。地味之饒與舟楫之便相待。發暢產業、進展文化。有至大者。然漲殃之所及。却互于十四萬町步。餘水汎濫。往往浸帝都。是以利根之治水。古來視以爲至難之業。待鉅大之工亦實久矣。往昔斯水也。經川俣、南流併荒川。合入間川。注江戶灣。渡良瀨川。流在其東。亦注于此。栗橋之東。更有。一水。納沼澤瀦水。合毛野川。常陸川是也。東流注香取流海。遂入外洋。是爲舊時之水經。然德川氏之開府於江戶也。首先起治水之工。分荒川。合渡良瀨川。利根

河身爲幾經變遷，至承應三年導利根
之水通于常陸川，遂成今日之河系矣。
川之東遷以降，流下土砂，滯積於流海之
地，田野爲之大開，然中利根川以下復
不絕連歲暴漲之患，後致以寬保、天明、弘化、
湧患大臻，禍互于全川。幕府憂之，頻加
修治，以至嘉永、安政、内外事滋，復不遑
顧于此。土砂愈塚堆，水路大亂，至再呈
改修以前之河狀矣。明治維新之後，政府
深致思于此，以明治八年開改修之程，
以二十年加工于全川，然以當時所主在
低水治水之制亦弛，河狀益放矣。故一
遭驟霖，則橫流四浸，水殃漸甚，遂致以
二十九年及三十一年湧患大到，政府乃立
改修之計，將以備于大漲之水，新鑿河道，
整河積，築堤塘，設游水地，以防慘禍，爲
主，並進加水利之便，規畫成，乃經帝國
議會之協贊，使沼之上以下沿川五十一里
直隸于內務省，以三十三年度起工，於佐原
以下，其他亦遞次起工，尋佐原以下功竣，
然四十三年八月重遭大漲，奔流滔滔，
襄陵決堤，萬頃之沃野，一望化成濁水之

海勢橫溢更合荒川之漲水走衝輦轂之下淹流瀕旬浸十四萬町步損耗算一千六百餘萬圓稱未曾有矣政府乃更大改修之規寢測定上利根之流量爲二十萬立方尺就渡良瀨川設一大游水地調節漲水以使無所流溢於幹川分流量八萬立方尺於江戶川受三萬五千立方尺于鬼怒川定合流地點以下之流量爲十五萬五千立方尺以四十四年度開工並著手第一期追加工事一舉至速成全川之工改修之功竣河狀之變易殊著全新其面目矣在上游則整島村前小屋一帶流狀之錯綜就赤岩上游無堤之地築隄陂水証爲熄在中游則閉權現堂川開新川於五霞村山王設水門八箇各幅二十五尺江戶川所納之流量由以得調節造閘門幅三十尺以資于船舶之通航矣幕府素創始制水工於此關宿棒出之名夙高今代以水門水閘更開鑿放水路於行德在幹川則就長須川間一帶之野地築隄陂就木野崎鬼怒川口井野三地之河水迂回處各開直路就小貝川穿新川於高

須 在下流則就布佐布川間之狹窄處加鑿
弘之、塞將監川於燕口、就印旛沼口設逆
水門二聯各幅三十尺、湖岸免浸患者、二
千町步、就生板結佐間之紓曲處各鑿直
路、在橫利根川口、則設閘門、幅三十六
尺、長三百尺、具複扉以便于航通、沿湖
絕水患者八千町步、得沃田一千五百町步、
在佐原小野川口、則設逆水門、幅二十尺、
門則架以撥橋、蓋爲本邦之初設、由以加
河津之殷昌矣、在大倉橋間、則開鑿新川、
四里、以疏通河水、別就舊北濱、加改修
之工、霞浦、北浦一帶之水位爲低下焉、通
算全川河道之地六千六百町步、築堤二十
五萬間、土量一千百三十萬坪、所掘鑿土
量二千十萬坪、護岸七萬五千間、閘門三
箇、樁管水門百個、全工費實算六千三百
四十萬圓矣、顧自以三十三年起第一期之
工以來、二十七星霜、其工則併用人力以
器械、銳意捷進工程、用機關車、掘鑿機、浚
渫船、曳船、軌條、運土車、運土船等、無機而不
爲用、今也此萬古不拔之鉅業、將竣其功、
規模既宏大、施工亦堅牢、生民賴以長免


積年之困厄，各安業殖產，子孫亦享其慶。遡于明治八年始施行利根川改修工事之時，爾來五十二年，雖時運有消長，河政有得失，水患亦荐臻，而沿川鄉邑之協力至殷，遂見此偉工之大成，是固非尋常人力之所能。寔可謂聖代之惠澤矣。於是乎世無復有說治水之難者也。頃者佐原町有志胥謀，就利根河畔小野川口之地設紀念公園，北望水雲搖曳之外，可以遙拜鹿嶋神宮，南顧古翠蔚蒼之邊，可以近禮香取神宮。左瞻右仰，使人想此偉工，眞所負于神祐之至，以應其需云爾。


大正十五年五月

正四位勳三等工學博士 中川吉造 謹

內務省東京土木出張所長

利根水脈略圖





千葉縣佐原商工會